

خزینہٴ اوراق

نمبر
۲۶

تاریخ تالیس
۱ مایس سنہ ۱۲۹۷

جمعہ ایرتسی

عمومی اعتباریہ فنونہ دائر رسالہ ادبیہ در

آیدہ درت کرہ اولہرق جمعہ ایرتسی کونلری چیقار

بدیہ

۱

بو مسلم کہ حضرت ادم
اولہلی زیب مولد عالم
حزن وشادی برادر توأم؛
یأس و امید نامزد درہم؛
سور ایلہ ازدواج ایدر ماتم.

۲

خلقت عالمی عبث صانم.
سر خلقت کہ امر غائبدر
غائب اولمق دخی عجائبدر.
سور ایلہ ماتمی عبث صانم.
انلر انسان ایچون تجاربدر.

۳

بری بکرز او فجبر کاذبہ کہ
خندہ یأسدر فم شبده؛
(بلکہ خندان او بولده بر مایوس)

یا او بر شوخ دلر بدر که
ادی سوق ایدر مناهی به .

۴

دیگری قسوت معذبہ کہ
بزی ایقاظ ایدر دم شبدہ؛
(اکا بکر ديسدم بجا کابوس)
و یا پیر سیلقا در که
یول آچار در که الهی به .

۵

برسی رهنمای اعداد
سیر فانی زندگانیده .
دیگری ظل نور پیادر
کز دیر بر جهان ثانیده .
بریسندہ غرور و نخوت ایله
اکلارز ادمک کوچوکلکنی .
دیگرندہ عیون حیرت ایله
کورورز خالقک بیوکلکنی .

۶

بری اول یادکار قدرت که
چقیبور بعض کره خاطر دن؛
عقله دنیا کلوب او دم زندان
مشعل اولقده سوزش وجدان .
بری اول شعله برودت که
انتشار ایتمده مقابردن؛

فکر محدودی ایلوب تعیین،
صانیر ادم او حالی شهر آیین .

۷

بزی دوچار ایدن بلایه امید؛
متحمل قیلن کذلک امید؛
خلق ایدن بونده بیک مهالك امید؛
سوق ایدن روزه جزایه امید .
یأس و امید ایله بو قبضه خاك
او قدر اولمده پریشان که
بردها طوبیلامق امید بعید .
دوشونلسون زواللی انسان که
محو ایدر یأس اتی کمرسه امید؛
اولماسه یأس امید ایدر اهلاک .

۸

کیمی آیدن اولیوب اکاه،
بو جهانده دیلر سعادتنی ؛
اکا باعث ندر ؟ امید انجق
کیمنه راه اخرتدر راه،
انده مأمول ایدر سلامتنی ؛
بو دخی بر امیددر مطلق .
نه دیمکدر صجب فنا فی الله،
یعنی حقدن نیاز حسن رضا ؟
حق یولنده و یا رضای قضا ؟
هپسی بونلر امیددر محضا .

كرك ادنى اوله كرك على،

كیمه امیددن دكل خالی؛

اولدی ذهمن بو فكر ايله مالى؛

سویلدم نظم ايله اتی ناکاه .

بوتی فی ۳۱ اغستوس سنه ۹۷ عبدالحق حامد بك

حکیمیات

اركلرك كوزل قادنلره باقلری - كونشك چيچكلره اوران ضیاسی

كبی - انلره بر حسن و برر .

بر نازكارك جلب نظری ایچون اك بیوك تدبیر اكا باقامقدر .

بعض كره بر ادمك قسقاخیق قاریسی اولمق ایودر . چونكه

دائما محبوبه سنك اوصافی ایشیدر .

عاشق ايله معشوقه نك ازدواجی ستمه نوبتی اراسنده تنظیم

اولنمش قونطور اتویده بكرر .

عقل عاشقلر ایچون سیس اراسنده کی معشله یه بكرر . كه

سیسك اراسنده شعله سی کورینور سده سیسی پاره لیه من .

اك چركین قادینلر اك زیاده سوس یابان قادینلردر . انجق

حسنندن محزوم اولدقلر ایچون كوزل کورینه منلرده تحف کو .

رینورلر .